

***RESOLUCIÓN REITORAL DO 28 DE XUÑO DE 2018 POLA
QUE SE NOMEA AO XURADO DO VI PREMIO DE CREACIÓN
DE MATERIAIS E RECURSOS DOCENTES CON PERSPECTIVA
DE XÉNERO DA UNIVERSIDADE DE VIGO ANTONIA FERRÍN
MOREIRAS***

Mediante resolución reitoral do 16/02/2018 convocouse o VI Premio de creación de materiais e recursos docentes con perspectiva de xénero da Universidade de Vigo ANTONIA FERRÍN MOREIRAS co obxectivo de contribuír á introdución da perspectiva de xénero na docencia.

Por isto, unha vez finalizado o prazo de presentación de solicitudes e en virtude das facultades outorgadas pola Lei Orgánica 6/2001, de 21 de decembro, modificada pola Lei 4/2007, de 12 de abril de Universidades e o artigo 58 do Decreto 7/2010, de 14 de xaneiro, polo que se aproban os Estatutos desta Universidade,

ESTA REITORÍA RESOLVE:

Nomear as seguintes persoas como xurado do VI Premio de creación de materias e recursos docentes con perspectiva de xénero da Universidade de Vigo, ANTONIA FERRÍN MOREIRAS:

Presidenta: Rosa Verdugo Matés, profesora contratada doutora do departamento de Economía Aplicada da Universidade de Santiago de Compostela (USC). Pertence ao Grupo de investigación GI-1871 da USC. As súas liñas e investigación están centradas nas migracións e as súas últimas publicacións abordan o impacto nas economías receptoras das remesas enviadas dende España, a actividade feminina na Galicia de mediados de século XIX e os fluxos migratorios entre Europa e África occidental, xunto co deseño de instrumentos económicos-territoriais para o desenvolvemento e o xénero.

Secretaria: Águeda Gómez Suárez, directora da Unidade de Igualdade da Universidade de Vigo.

Vogal: Iria Vázquez Silva, profesora interina na Facultade de Socioloxía da Universidade da Coruña. Recentemente ten finalizado o proxecto “Mulleres inmigrantes, lingua e sociedade. Novas perspectivas para a integración” (2015-2017), desenvolvido na Universidade de Vigo e financiado pola Xunta de Galicia. É doutora en Socioloxía coa tese “La inmigración senegalesa en Galicia: remesas y cuidados en

familias transnacionais” e especialista en Estudos de Xénero pola Universidade de Vigo. As súas liñas de investigación actuais abarcan a socioloxía das migracións, ademais da socioloxía do traballo e de xénero.

Vogal: Isabel Diz Otero, profesora contratada doutora en ciencias políticas na Facultade de Ciencias Políticas e Sociais da Universidade de Santiago de Compostela. Participou en varios proxectos de investigación financiados polo Plan Nacional de I+D e polo Programa Xeral de Investigacións da Xunta de Galicia. A través destes proxectos desenvolveu as súas liñas de investigación centradas en parlamentos, élites políticas e estudos de xénero. Conta con varias publicacións nestes ámbitos. En canto á xestión, foi coordinadora da Oficina de Igualdade de Xénero da USC durante dous anos.


Vogal: Salvador Martí, profesor titular universitario de ciencia política da Universidad de Girona. É investigador do Instituto de Iberoamérica da Universidad de Salamanca. As súas áreas de investigación son a política latinoamericana, o conflito político, a emerxencia de identidades indíxenas, o liderazgo indíxena feminino e os conflitos relacionados cos recursos naturais.

Contra esta resolución, que esgota a vía administrativa, poderase interpoñer un recurso perante a xurisdición contencioso-administrativa, no prazo de dous meses contados dende o día seguinte ao da súa publicación, de conformidade co disposto na Lei 29/1998, do 13 de xullo, reguladora da xurisdición contencioso-administrativa.

As persoas interesadas poderán optar por interpoñer contra esta resolución un recurso de reposición, no prazo dun mes contado a partir do día seguinte ao da súa publicación, perante o mesmo órgano que a ditou. Neste caso non se poderá interpoñer un recurso contencioso-administrativo ata que sexa resolto expresamente ou se producise a desestimación presunta do recurso de reposición interposto, segundo o previsto no artigo 123.2 da Lei 39/2015, do 1 de outubro, do procedemento administrativo común das administracións públicas.

Vigo, 28 de xuño de 2018

A VICERREITORA DE RESPONSABILIDADE SOCIAL, IGUALDADE E COOPERACIÓN



María Isabel Doval Ruiz

Dilixencia para facer constar que esta resolución se publica no taboleiro de anuncios dos rexistros da Universidade de Vigo o trece de xullo de dous mil dezasete.

Vigo, 28 de xuño de 2018

A DIRECTORA DA UNIDADE DE IGUALDADE